

գիտությունների վերաբերյալ, ինչպես նաև խոսեց ռեսպուբլիկայում ստեղծվելիք հնա ազոտական խոշոր կոմպլեքսների մասին, որոնք կուսումնասիրեն քիմիայի այս կամ այն բնագավառը՝ սերտորեն կապակցված մյուս գիտությունների հետ:

Մտքերի փոխանակության ժամանակ ելույթներով հանդես եկան ակադեմիկոսներ Ա. Կաբինյանը, Գ. Բարաջանյանը, Ի. Նղիազարովը, Մ. Ներսիսյանը, Վ. Գուլքանյանը, Հայկական ԼՍՄ Մինիստրների սովետի գիտահետազոտական աշխատանքների կոորդինացման կոմիտեի նախագահ Բ. Սարկիսովը:

Գիտականների ընդհանուր ժողովում ճառով հանդես եկավ Հայաստանի կոմպարտիայի Կենտկոմի առաջին քարտուղար Յա. Զարոբյանը*:

Ընդհանուր ժողովը հաստատեց գիտությունների ակադեմիայի նախագահության հաշվետվությունը և նրան հանձնարարեց մշակել գիտությունների ակադեմիայի գործունեության բարելավման կոնկրետ միջոցառումներ:

Տեղի ունեցած բնարություններում ՀՍՄԻ գիտությունների ակադեմիայի պրեզիդենտ ընտրվեց ակադեմիկոս Վ. Հ. Համբարձումյանը:

Ընդհանուր ժողովի աշխատանքներին մասնակցում էին ռեսպուբլիկայի Գերագույն սովետի նախագահության նախագահ Ն. Հարությունյանը, ՀԿՊ Կենտկոմի երկրորդ քարտուղար Հովհ. Բաղդասարյանը, ռեսպուբլիկայի Մինիստրների սովետի նախագահի տեղակալ Լ. Ստեփանյանը:

ՀԱՍԱՐԱԿԱԿԱՆ ԴԻՏՈՒԹՅՈՒՆՆԵՐԻ ԲԱԺԱՆՄՈՒՆՔԻ ԺՈՂՈՎՐ

Մարտի 6-ին ԳԱ նիստերի փոքր դահլիճում տեղի ունեցավ հասարակական գիտությունների բաժանմունքի տարեկան հաշվետու ժողովը: Բաժանմունքի հիմնարկների 1963 թ. գիտական գործունեության արդյունքների մասին զեկուցումով հանդիս եկավ բաժանմունքի ակադեմիկոս-քարտուղար, ակադեմիկոս Մ. Գ. Ներսիսյանը:

— Հաշվետու ժամանակաշրջանում, — ասաց զեկուցողը, — բաժանմունքի գիտական հիմնարկների հետազոտական աշխատանքի կազմակերպումը կատարվել է զաղափարական հարցերի վերաբերյալ ՍՄԿՊ XXII համագումարի և ՍՄԿՊ Կենտկոմի հունիսյան պլենումի որոշումների լույսի տակ: Բաժանմունքի բյուրոն վերանայել է գիտական հիմնարկների թեմատիկ պլանները, գիտական կոլեկտիվների ուղղորդությունը կենտրոնացնելով արդիական պրոբլեմների ուսումնասիրման վրա: 1964—1965 թթ. թեմատիկ պլաններից հանվել են նեղ, երկրորդական նշանակություն ունեցող հարցերը, թողնելով հանգուցային և ակտուալ պրոբլեմներ: Մշակվել է նաև 1966—1970 թթ. հիմնական պրոբլեմները: Թեմատիկ պլանների վերանայումը և ճշտումը նպատակ է ունեցել նաև վերացնելու բազմաթեմայնությունը և մի շարք թեմաների ուսումնասիրումը կատարել կոլեկտիվ ուժերով:

Որպես դրական երևույթ պետք է համարել այն, որ հաշվետու տարում ավարտվել են կոլեկտիվ այնպիսի աշխատանքներ, ինչպիսիք են՝ հայ ժողովրդի պատմության քառահատորյակի առաջին հատորը, սովետահայ գրականության պատմության երկրորդ հատորը, հայ նոր շերտի գրականության երրորդ հատորը. հայոց լեզվի բացատրական բառարանի առաջին հատորը և այլն:

Զդալի աշխատանք է կատարված կլասիկների աշխատությունների հրապարակման ուղղությամբ:

Անցյալ տարի հրատարակվել է մոտ 60 անուն գիրք, այդ թվում ակադեմիկոս Ս. Երեմյանի, պրոֆեսորներ Գ. Զահուկյանի, Կ. Ղաֆադարյանի, գիտությունների թեկնածուներ Ս. Բարխուդարյանի, Ս. Աղաբաբյանի, Թելունցի և մյուսների ուսումնասիրությունները:

Հնագիտության և ազգագրության ինստիտուտը հաջողությամբ շարունակել է պեղումները Կարմիր բլուրում (ԳԱ թղթակից անդամ Պյատրովսկու ղեկավարությամբ), Դվինի պեղումները (պրոֆեսոր Կ. Ղաֆադարյանի ղեկավարությամբ), Արմավիրի և Գառնիի պեղումները (պրոֆեսոր Բ. Առաքելյանի ղեկավարությամբ):

Այնուհետև ակադեմիկոս Մ. Գ. Ներսիսյանը նշում է, որ մեր գիտնականներն ավելի են ամ-

* Ընկ. Յա. Ն. Զարոբյանի ճառը տե՛ս «Տեղեկագրի» այս համարում:

բազմազան կապերը՝ Վրաստանի, Ադրբեջանի, Մոսկվայի, Լենինգրադի, Կիևի, Լվովի պատմաբանների հետ և կատարում են միասնական աշխատանքներ:

Հայաստանի և եղբայրակից հանրապետությունների ժողովուրդների բարեկամության է՛լ ավելի ամրապնդման նպատակով պատմության ինստիտուտի նախաձեռնությամբ հաշվետու տարում հրավիրվել է ՍՍՌՄ ժողովուրդների բարեկամությանը նվիրված Անդրկովկասի պատմաբանների գիտական նստաշրջանը, որին մասնակցել են Հայաստանի, Վրաստանի, Ադրբեջանի գիտությունների ակադեմիաների պատմության ինստիտուտները, ՍՄԿՊ Կենտկոմին առընթեր Մարքսիզմ-Լենինիզմի ինստիտուտի Անդրկովկասյան հանրապետությունների ֆիլիալները: Հաջողությամբ անցկացվեց Սայաթ-Նովայի 250-ամյակին նվիրված հորելյանական գիտական նստաշրջանը:

Ակադեմիկոս Ներսիսյանը իր գեկուցման մեջ կանգ առավ նաև բաժանմունքի բյուրոյի գործունեության, առաջիկայում կատարվելիք մի շարք խնդիրների վրա: Նա դիտական հիմնարկների ուշադրությունը կենտրոնացրեց խոշոր թեմաների կոնկրետ ուսումնասիրման վրա, դրեց փիլիսոփայության ու իրավունքի և արևելագիտության սեկտորները վերակառուցելու և գիտահետազոտական ինստիտուտներ դարձնելու խնդիրը:

— Սակայն ձեռք բերած հաջողությունների կողքին, — ասաց գեկուցողը, — կան նաև թերություններ, որոնց վերացման համար անհրաժեշտ է միջոցներ ձեռնարկել: Նախ և առաջ լուրջ թերություն պետք է համարել այն, որ գիտական պատշաճ բարձրության վրա չեն գտնվում հրատարակված գրքերի ու մենագրությունների մի մասը: Հաճախ որոշ գիտնականներ տուրք են տալիս «շատագրության» արատավոր երևույթին, արհեստականորեն ուղեցնելով այս կամ այն թեմային նվիրված մենագրությունը: Եւ մեծ մասամբ գալիս է նրանից, որ երբեմն գիտակցանալով խորհուրդները և սեկտորները լուրջ գիտական մոտեցում չեն ունենում հրատարակվող գրքերի քննարկմանը: Անհրաժեշտ է բարձրացնել գիտական խորհուրդների, սեկտորների պատասխանատվությունը հրատարակվող գրքերի, մենագրությունների, ինչպես նաև գիտնականների թեմաների գնահատման նկատմամբ, հասնել այն բանին, որ գիտական աշխատանքը լինի բարձր որակի: Այնուհետև, ընկ. Ներսիսյանը մանրամասն կանգ առավ գիտահետազոտական ինստիտուտների առանձին սեկտորների աշխատանքում գոյություն ունեցող թերությունների բացահայտման վրա: Նա մասնավորապես նշեց, որ լեզվի ինստիտուտի ընդհանուր լեզվաբանության սեկտորը և գրականության ինստիտուտի մամուլի սեկտորը չունեն իրենց թեմատիկան ու պրոբլեմը: Պատմության ինստիտուտում լուրջ կերպով չեն զբաղվում պատմագրության հարցերով, թերևս հարկ լինի առանձնացնել մի խումբ գիտնականների պատմագրության ուսումնասիրությամբ զբաղվելու համար:

Խոսելով արևելագիտության, փիլիսոփայության և իրավունքի սեկտորների աշխատանքներում գոյություն ունեցող թերությունների մասին, գեկուցողը նշեց, որ այդ սեկտորները պետք է լուրջ կերպով զբաղվեն Մերձավոր Արևելքի ժամանակակից ռեակցիոն գաղափարախոսության քննադատության հարցերով:

Ակադեմիկոս Մ. Գ. Ներսիսյանը ավարտելով իր հաշվետու գեկուցումը, բաժանմունքի բյուրոյի և գիտահետազոտական ինստիտուտների առջև խնդիր դրեց ձեռնարկել բոլոր միջոցները գիտահետազոտական աշխատանքներում գոյություն ունեցող թերությունները վերացնելու համար: Նա գիտնականների առաջնահերթ խնդիրը համարեց վերացնել բազմաթեմայնությունը, մանր, գիտական քիչ արժեք ներկայացնող թեմաների փոխարեն ուսումնասիրել խոշոր և պրոբլեմային հարցեր, ստեղծել բարձրարժեք գիտական ուսումնասիրություններ:

Զեկուցման շուրջը բացվեց մտքերի փոխանակություն:

Տնտեսագիտության ինստիտուտի դիրեկտորի տեղակալ, տնտեսագիտական գիտությունների գոկտոր Մ. Ագոնցը իր ելույթում նշեց, որ անցած մեկ տարվա ընթացքում ինստիտուտի գիտնականների ջանքերով ուսումնասիրվել են 15 թեմաներ, որոնք վերաբերում են ռեսպուբլիկայի ժողովրդական տնտեսության զարգացման հեռանկարներին: Երկրորդից երրորդի թաղաքատնտեսությանը, ռեսպուբլիկայի ազատ աշխատանքային ռեսուրսների ուսումնասիրմանը, արտադրողական ուժերի տեղադրման պրոբլեմին, բնակչության եկամուտների և սպառման բալանսին և այլ հարցերին: Սակայն, նշեց նա, տնտեսագետները թույլ են զրադվում ժողովրդական տնտեսության պատմության հարցերով, չի կոորդինացվում ռեսպուբլիկայի բուհերի տնտեսագիտական ամբիոնների և ինստիտուտի աշխատանքը:

— Մեր հիմնական խնդիրներից մեկը, — իր ելույթում ասաց պատմության ինստիտուտի գիրեկտոր, պատմական գիտությունների գոկտոր Գ. Գալոյանը, — հայ ժողովրդի պատմության

քառահատոր ձեռնարկի ստեղծման է, որի համար կատարված է մեծ աշխատանք։ Սակայն հասարակական գիտությունների բաժանմունքի մյուս ինստիտուտները վատ են օգնում այդ կարևոր գործին, անհրաժեշտ է կոորդինացնել բոլոր ինստիտուտների գիտնականների ուժերը այդ ձեռնարկի ստեղծման համար։

Հաջորդ պրոբլեմը, ասաց նա, Սովետական Հայաստանի բանվոր դասակարգի և գյուղացիության պատմության հարցերի ուսումնասիրությունն է։ Մեր գիտնականները ոչ միայն պետք է ամփոփեն արխիվային նյութերը, այլև ուսումնասիրեն ռեալ իրականությունը՝ գործադան, կոլտնտեսությունը և տան մեր էպոխայի արդի պատմությունը։

Ընկ. Գալոյանը հատկապես շեշտեց սփյուռքահայության պատմության ուսումնասիրության անհրաժեշտությունը։ Անհատի պաշտոնների ժամանակ մեծագույն մեղք էր համարվում սփյուռքահայության պատմությամբ զբաղվելը, որի իր բացասական կնիքն էր դրել մայր հայրենիքի հետ սփյուռքահայության կապերի ստեղծման վրա։ Ահա թե ինչու անհրաժեշտ է վերացնել այդ բացը և լիարժեք կերպով զբաղվել հայ ժողովրդի այդ մասի պատմության հարցերով։

Հնագիտության և ազգագրության ինստիտուտի գլխավոր Բ. Առաքելյանը գիտնականների ուշադրությունը հրավիրեց գիտական քննադատության ուժեղացման վրա։ Մենք լուրջ գիտական քննադատություն չունենք, ասաց նա, հաճախ որոշ գիտնականներ չեն ուզում վատություն անել, ընկերոջ խաթրին դիպչել, տեղի, անտեղի դժվարանում են այս կամ այն աշխատությունը, փոխանակ քննադատելու թույլ տրված սխալներն ու թերությունները։

Ակադեմիկոս Ա. Բ. Կարինյանը իր ելույթում նշեց, որ մամուլի պատմության սեկտորի առթիվ սկսված վեճերը ունեն կարևոր նշանակություն։ Նախապես այն կարծիքը կար, ասաց նա, որ այդ սեկտորի պետք է նոր թափ հաղորդի ամբողջ հայ մամուլի և ապա առանձին պարբերականների ոչ միայն գրական-գեղարվեստական, այլև բոլոր կարևոր հարցերի ուսումնասիրությանը։ Հայտնի է, որ ինչպես հանրահայտ «Սովյետսկիկուլմ» «Օտեչեստվեննայա Զապիսկայում», այնպես էլ «Հյուսիսսփայլում», «Մուրճում» և այլ պարբերականներում զետեղված նյութերը վերաբերում էին գրականության, տնտեսագիտության, փոխադրության, հրապարակաստության և գիտության այլ պրոբլեմներին։ Սակայն դրականության ինստիտուտի գլխավոր թեմայի ղեկավարները այդ սեկտորը գրեթե բացառապես զբաղվում էր գրականության պատմությանը նպաստող ձեռնարկները պատրաստելով։

Ակադեմիկոս Ա. Բ. Կարինյանը նշելով դ. Օստենի, Թիրսբյանի, Արմ. Սաղըղյանի, Թևդրիաշյանի, Կուրտիկյանի և ուրիշների յուրյն գիտական աշխատությունները, ցանկություն հայտնեց, որպեսզի արևելագիտության սեկտորը անհրաժեշտ ուշադրություն նվիրի նաև Օմար Խայամի, Ֆիրդուսիի, Սաադիի, Ֆիրդուսու և Կարնամակի հայ թարգմանիչների նշանակալից աշխատանքների բնութագրմանը։

Ելույթի վերջում ընկ. Կարինյանը հիշեցրեց, որ ցանկալի կլինի բացահայտել և ցուցահանել, թե ինչպիսի մեծ ու կարևոր դեր են կատարել հայ ժողովրդի աշխատավոր խավերի և առաջավոր գործիչների բարձր արվեստն ու մշակույթը, կուլտուրական շինարարությունը, հետամնաց և մարդատյաց ուժերի դեմ մղվող պայքարի տարիներին։

Լեզվի ինստիտուտի գլխավոր Գ. Ջահուկյանը խոսեց այն խնդիրների մասին, որ ինստիտուտը ծրագրել է կատարել առաջիկայում, նա նշեց, որ լեզվաբանները աշխատում են հայոց լեզվի բացատրական բառարանի հրատարակման, հայոց լեզվի գիտական քննադատության երեք հատորյակի ստեղծման, հայ բարբառների առաջին կազմման, գրաբարի, միջին հայերենի և նոր հայերենի պատմության ստեղծման վրա։

Այնուհետև ընկ. Ջահուկյանը ակադեմիայի ղեկավարության ուշադրությունը հրավիրեց հրատարակչական գործի լավագույն կազմակերպման վրա։ Նա նշեց, որ հրատարակչության աշխատանքի անբավարար դրվածքը, պոլիգրաֆիական բազայի ներկա վիճակը, խոչընդոտում են գիտական կարևոր նշանակություն ունեցող շատ աշխատությունների ժամանակին հրատարակմանը։

Տնտեսագիտական ինստիտուտի կատարած գիտահետազոտական աշխատանքները, ասաց ակադ. Աշ. Հովհաննիսյանը, ցույց են տալիս, որ ինստիտուտը ընդհուպ չի զբաղվում ռեսպուբլիկայի տեղաբնակչության շինարարության արդիական հարցերով։ Ջալիլ թերություն պիտի համարել այն, որ ինստիտուտը շրջանցում է Հայաստանի ժողովրդական տնտեսության և հայ տնտեսագիտական մտքի պատմությանը, Պատմության ինստիտուտից ցարդ անկատար մնացած խնդիրը հայ պատմագրության պատմության հարցն է։ Այդ բնագավառում ամենազբաղվող

դժվարության առաջացման պատճառներից մեկն այն է, որ ինչպես պետական համալսարանը, այնպես և գրականության ինստիտուտը շուրջ երկու տասնամյակի ընթացքում արժանի խորությամբ չեն մշակում հայ հին գրականության և հատկապես գրական պրոզայի ուսումնասիրության կարող հարցերը և չեն տալիս համապատասխան տրակյալ կադրեր՝ Մյուս կողմից մեծ թնրություն պետք է համարել այն, որ մեր պարբերականներում անբավարար է զարգանում պատմագրական քննադատություն լույս տեսնող գրքերը Ընկ. Հովհաննիսյանը մատնանշեց նաև այն, որ անհրաժեշտ է պարզել գրականության ինստիտուտի մամուլի սեկտորի պրոֆիլը, հաշվի առնելով հայ մամուլի մատակարարած հարուստ նյութերի կտրկտրությունը և այն, որ այդտեղ են կենտրոնացած XIX և XX դարերի հայ հասարակական և քննադատական մտքի պատմության կարևոր աղբյուրները:

Մշակույթի անվան մատենադարանի գիրքկտոր, ակադեմիայի թղթակից-անդամ, գրկտոր Լ. Խաչիկյանի ելույթը նվիրված էր գիտահետազոտական ինստիտուտների աշխատանքները կոորդինացնելու, հայ գաղութների մշակութային արխիվներն ուսումնասիրելու, ակադեմիայի սիստեմի բոլոր ինստիտուտներում գտնվող միլիոնֆիլմերը համատեղ սցոպոգրֆելու հարցերին:

Ժողովի մասնակիցները հետաքրքրությամբ լսեցին փիլիսոփայության և իրավունքի սեկտորի վարիչ, ՀՍՍՌ գիտության վաստակավոր՝ գործիչ Զ. Գ. Ասլանյանի՝ «Բուրժուական պատմափիլիսոփայության անանկացումը» և պատմական գիտությունների գրկտոր Բ. Ն. Առաքելյանի «Արմավիրի պեղումների նշանակությունը հայ մշակույթի ուսումնասիրության համար» թեմաներով զեկուցումները:

ԳԻՏԱԿԱՆ ԵՍՏԱՇՐՋԱՆՆԵՐ

Տեղի ունեցավ Հայկական ՍՍՌ գիտությունների ակադեմիայի գիտական նստաշրջան* նվիրված ուսական տպագրության 400-ամյակին:

Գիտական նստաշրջանում բացման խոսքով հանդես եկավ ՀՍՍՌ ԳԱ պրեզիդենտ՝ ակադեմիկոս Վ. Հ. Համբարձումյանը:

— Տպագրության արվեստը, — նշեց ակադեմիկոս Վ. Հ. Համբարձումյանը, — միշտ բարձր են գնահատել բոլոր ժողովուրդները: Ահա թե ինչու ամենին էլ զարմանալի չէ, որ այսօր նշելով ուսական տպագրության 400-ամյակը, առանձնակի հարգանքով ենք վերաբերվում առաջին ուսական տպագրիչների պատմական կարևոր գերի ու վաստակի քննադատմանը, մեծ ուշադրությամբ ուսումնասիրում անցյալի տպագրիչների տեխնիկան և բազմազան հրատարակությունների փորձը, գնահատում ժողովրդի կուլտուրական վերելքի համար նրանց ձեռնարկած ջանքերն ու աշխատանքը:

Անհրաժեշտ է նշել 19-րդ դարում և մեր օրերին տպագրված նոր գրքերի բարձր տեխնիկան, բազմազան գրքերի հատկանիշներն ու գիտական ուղղությունը, ժողովրդի հետ սերտորեն կապված առաջավոր գրողների ու գիտնականների դերը, ինչպես նաև նորանոր ընթերցողների սովորածավալ շարքերի աճը:

Հոկտեմբերյան սոցիալիստական մեծ հեղափոխությունից հետո անսահման չափով ավելացել է գրողների, ընթերցողների թիվը, բարձրացել նրանց ակտիվությունը, փոխվել է տպագրություն ու հրատարակությունների ուղղությունը, Գիրն ու գրականությունը կարևոր դեր են կատարում ժողովուրդների եղբայրության, կոմունիստական լուսավոր հասարակության կառուցման, խաղաղության ամրապնդման գործում:

Այնուհետև կարդացվեցին զեկուցումներ՝ «Ռուսական տպագրության 400-ամյակը թեմայով զեկուցեց ՀՍՍՌ ԳԱ ակադեմիկոս Ա. Բ. Կարինյանը*»: «Ռուսաստանի առաջին հայկական տպարանները» թեմային էր նվիրված բանասիրական գիտությունների թեկնածու Ա. Ս. Բարայանի զեկուցումը:

Գիտական նստաշրջանի մասնակիցները մեծ հետաքրքրությամբ գիտեցին ուսական տպագրությանը նվիրված գրքի ցուցահանդեսը, որտեղ ներկայացված էին ուսական գրքի լավագույն նմուշները:

* Ակադեմիկոս Ա. Բ. Կարինյանի զեկուցումը տե՛ս «Տեղեկագրի» այս համարում: